

alle beschwerd / vnd machen ein gute dawung / mögē  
vor oder nach essens genommen werden.

#### Pillule Pestilentialis.

Anicenna schreibt wie diese Pillule bewaren den  
Menschē vor d Pestilenz vnd anderm bösen lufft.

#### Pillule Bichie.

Diese Pillule vnder der Zungen gehalten / senfft-  
gen den Husten / vnd den fluß der herab fellt von dem  
Haupt auff die Brust / sie machen auch außwerffen  
vnd ein leichten Arhem.

#### Pillule de Agarico.

Mesue. Diese pillule reynigen die Brust von gro-  
ber schleimiger feuchte / vnd seind gut für dz Reichen.

#### Pillule de Lapide Lazuli.

Diese Pillule seind nütz zu reynigenn die Melan-  
cholischen krankheiten / vnd verbrennten feuchte.

#### Pillule de Serapino.

Mesue. Diese pillule seind bewert zu schmerzen d  
Gleych / als das Podagra / vnd zu schmerzen der  
Mutter sie bringen auch den Frayen iren Blumen.

### Das iiii. Cap. Von Syrupen.

#### Syrupus Acetosus simplex.

Diesen tranck beschreibet Johannes Mesue / vnd  
ist gut zu kalten vnd hizigen feuchten / subtil vnd  
grob / wenn er macht andere Arzneyen tringen in an-  
dere ort / da sie sunst nicht hin drünge.

#### Syrupus de Sticados.

Mesue. Dieser tranck ist bewert zu krankheit der  
Her-



Nernē vō kelt/ als 8 schlag / Krampff vñ fallētsuche.

**Syrupus acetosus Compositus.**

Mesue. Dieser Tranck zertheyle vñ ledigt ab alle grobemateri. Es eröffnet die verstopffung der Leber/ des Milz vñ der Nieren.

**Syrupus de Endiuia.**

Dieser Tranck eröffnet die verstopffung der Leber/ vñ lescht die hitz der Seber/ lescht auch den durst.

**Syrupus de succo Rosarum.**

Dieser Tranck ist gut in starckē Sebern/ auch so lediget er den Bauch ohn alle beschwer.

**Syrupus Violarum.**

Mesue schreibt/ das dieser Syrup helff für Brust geschwer vñ husten/ er stilltet die Sebrischen hitz / vñ macht schlaffen.

**Syrupus de Acetositate Cerebri.**

Mesue. Dieser Tranck lescht die bösen hitz 8 feuchte Colera Rubea genant/ vñ hilfft auch in giftigen Sebern/ als die Pestilenz.

**Syrupus de Zuiubis.**

Mesue. Dieser Syrup ist gut den heysfern vñ hustenden/ auch die da haben geschwer der Brust.

**Syrupus de Menta.**

Mesue. Dieser Tranck wermt vñ sterckt den Magen er vertreibt den vnwillen auch vnlust/ vñ stilltet den Bauchfluß.

**Syrupus de fumo Terre.**

Mesue. Dieser Tranck sterckt die Leber/ vñ eröffnet die verstopffung derselbigen/ er reyniget die haut

D vom



von vnreynigkeit/vnd sonderlich so die selbig ist von  
gesalznem Slegma vnd verbrandter Colera.

### Syrupus de Praisso.

Wesue. Dieser Tranck hilfft die alten leut / welche  
vō wegen kalter natur Brust geschwer vñ husten ha-  
ben/ auch denenso keichen vnd engbrüstig seind von  
grober feuchte/welche sich vngern abscheyden leßt.

### Syrupus de Absinthio.

Wesue. Dieser Syrup ist gut dem kalten Magen  
vnd der Leber/ darvet die verlichenn vngedawtem  
feuchte/vnd macht ein gute dawung.

### Syrupus de Epithimo.

Wesue. Dieser Tranck theyle auß die verbrenten  
feuchte/heylet böse geschwer vnd fistulenn/ist auch  
gut denen die sich vor Ausserzigheit besorgen.

### Syrupus de Thimo.

Wesue. Dieser Tranck ist nütz der Brust vñ 8 Lun-  
gen von kelte/ desgleichen dem Magen vnd Leber.

### Syrupus de Arthemisia.

Dieser Tranck eröffnet die verstopffung der Mut-  
ter von böser kelte vnd feuchte / bringet den Frawen  
ihr recht/vertreibt auch das auffstossenn der Mut-  
ter/vnd machet die Frawen fruchtbar.

### Syrupus de Isopo.

*Einführung* Wesue. Dieser Syrup reyniget die Brust vñ Lun-  
gen/macht ein leichtenn Athem/vnnd vertreibt den  
schmerzen der Seiten.

### Syrupus de Liquiritia.

Wesue. Dieser Tranck reyniget vnnd weycket den  
hustenn vnd die Brust.

Syrus



### Syrupus de Eupatorio.

Mesue. Dieser Syrup ist gut alten Febern/er eröff-  
net die verstopffung des Magens vnd der Leber/  
vnd ist gut im anfang der wassersucht.

### Syrupus de Cicorea.

Dieser träck ist gut für alle giftige materi/ als die  
Pestilenz/ die schwarze beulen vnd feur in Blatter/  
er leschet alle vnnatürliche hitz/ vnd lescht die Leber/  
macht wol harnen/ ist auch gut den gelsüchtigen.

### Drizachara.

Nicolaus beschreibet diesen Tranck. Ist gut zu les-  
chen die vnnatürliche hitz der Leber/ des dreytegi-  
gen vnd andere Feber.

### Drimel Simplex.

Mesue. Dieser Tranck ist grosser hilff/ zu entledi-  
gen die materien der gleych/ auch zu zertheylenn die  
grogen feuchten in dem Magen vnd Leber/ vnd inn  
alten lang verharren Febern.

### Drimel Compositum.

Mesue. Dieser Tranck ist gut zu brauchen inn den  
alten Febern/er zertheyle vnd lediget ab die groben  
feuchten/ Coleram vnd Slegma/ er eröffnet die ver-  
stopffung des Magens/ der Leber/ des Wiltz/ vnd  
macht wol harnen.

### Drimel Sequilliticum.

Mesue. Dieser Tranck ist gut zu auffledigen vnd  
zertheylen alte verlegne grobe materi/ so sich inn dem  
Magen ingesenck haben.